

**CONVENIO DE COLABORACIÓN ENTRE A AXENCIA TURISMO DE GALICIA
E A ASOCIACIÓN PROFESIONAL DE GUÍAS DE TURISMO DE GALICIA PARA
A IMPLEMENTACIÓN DA MEDIDA INCLUÍDA NO PLAN DE REACTIVACIÓN
DOS SECTORES CULTURAL E TURÍSTICO FRONTE AOS EFECTOS
DERIVADOS DA COVID-19 DE REACTIVACIÓN DA ACTIVIDADE DO
COLECTIVO DE GUÍAS DE TURISMO**

MEMORIA XUSTIFICATIVA

A xerente de Turismo de Galicia

DECLARA:

Que esta Axencia Turismo de Galicia formalizou coa Asociación Profesional de Guías de Turismo de Galicia o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2020.

Que o instrumento convencional ten por obxecto o establecemento das condicións para a colaboración entre a Axencia Turismo de Galicia e APITgalicia para o desenvolvemento da medida 17 do Plan de reactivación dos sectores cultural e turístico fronte aos efectos derivados da COVID-19, aprobado polo Consello da Xunta o pasado 30 de abril de 2020, para reactivar a actividade do colectivo de guías respondendo ás necesidades futuras do sector, coa realización das seguintes actividades:

Garantías sanitarias no desempeño das visitas dos guías, que garantan a seguridade dos mesmos e dean e inspiren confianza ás persoas clientas.

- Concurso de debuxos para nenos e nenas
- Vídeo promocional de APIT e os seus guías
- #Hoximosdeviaxe...
- Formación a distancia
- Formación presencial unha vez se finalicen as medidas adoptadas para a xestión da crise sanitaria, sobre Xacobeo21: técnicas de xestión de grupos, os Camiños de



Santiago en Galicia e a súa infraestrutura, lexislación e xestión do noso patrimonio cultural e natural.

- Visitas virtuais a Galicia
- Visitas guiadas por Galicia unha vez se finalicen as medidas adoptadas para a xestión da crise sanitaria
- A historia a pe de rúa: un programa para incentivar e dinamizar as visitas guiadas de escolares de Galicia por Galicia.
- Volver a respirar en Galicia
- Reunión de presidentes e delegados de guías de España

Que o instrumento convencional que se pretende asinar se fundamenta no seguinte:

Primeiro.- A Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, ten como obxectivo, impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade.

Para lograr esta finalidade a Axencia Turismo de Galicia, acomete no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos

Segundo.- A Asociación Profesional de Guías de Turismo (en diante APITgalicia) é unha entidade sen ánimo de lucro constituída no ano 1977 tendo como fin a representación, defensa e promoción dos intereses sociais, económicos, profesionais, culturais e de formación dos seus afiliados (artigo 6 dos seus estatutos).

APITgalicia é nestes momentos á única asociación profesional de guías de turismo en Galicia. Forma parte da federación estatal CEFAPIT e, a través desta, dos organismos europeos FEG e mundial WFTGA.

Terceiro.- A crise xerada pola evolución epidemiolóxica do COVID-19 provocou unha parálise total do sector turístico. As estimacións e proxeccións actuais prognostican un



impacto económico especialmente intenso nuns ámbitos moi supeditados aos desprazamentos, á confianza dos mercados e cunha marcada estacionalidade.

Nos próximos meses preséntase un escenario de recuperación lento e progresivo, condicionado polas medidas de restrición de mobilidade e concentración de persoas.

En consecuencia, as necesidades e demandas no eido turístico, por mor das medidas de contención do COVID-19, mudaron profundamente.

Neste contexto, o Consello da Xunta aprobou, o pasado día 30 de abril de 2020, o Plan de reactivación dos sectores cultural e turístico fronte aos efectos derivados da COVID-19.

O Plan recolle como medida principal da acción da Axencia Turismo de Galicia neste ano 2020 o programa Galicia, destino Seguro, establecendo a implementación dunha serie de medidas que convertan e difundan a idea de Galicia como un territorio seguro e incentiven a visita segura a Galicia.

Na medida 17, como acción de promoción e de reactivación da demanda, inclúese o acordo coa Asociación de Guías Profesionais de Galicia co obxecto de reactivar a actividade deste colectivo respondendo ás necesidades futuras do sector.

- Establecemento de garantías sanitarias dos guías no seu desempeño profesional, tendo en conta a súa exposición.
- Formación sectorial (enfocada de maneira priorizada en novas técnicas de xestión de grupos, novos produtos turísticos, patrimonio cultural e Camiño de Santiago).
- Creación do produto Coñece Galicia para que o poidan ofertar as axencias de viaxes

Cuarto.- Que a través deste convenio, outórgase á Asociación Profesional de Guías de Turismo de Galicia unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, social, económico e humanitario expostas nos puntos anteriores e que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.





En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela
A xerente de Turismo de Galicia

M^a Elena Barca Ramos

